



Sabtu, 6 Juli 2024
Ogen : Markus 12:14-44



MEREKEN KERINA SI LIT



Asakai nge bere persembahen e maka nggo cukup? Uga maka lit lalap man galaren i bas gereja? Banci jadi penungkenen e megati mentas bas ukurta. Terlebih i bas paksa nandangi kerja rani bage pe perayaan natal si membutuhkan mbue biaya. Kalak bayak saja nge si rutang ntah kerina nge kalak ngasup mere.

Ngerana kerna mere terlebih mereken si nasa lit, banci saja mberat siakap. E maka Tuhan Jesus pernah ngerana kerna si e. I bas Markus 12:41-44 enda nuriken kerna kejadiin i rumah Pertoton Tuhan, i ja Jesus kundul ngalaken ingan persembahen ras mperdiateken kalak si mere persembahen. Idahna sekalak diberu balu-balu namaken dua keping pirak radu ras si e mbue kalak bayak si namaken alu jumlah si mbelin. Jesus ndilo ajar-ajarNa janah ngataken maka arah kerina si mereken persembahen maka persembahen diberu si nggo mbalu ndai me si mbelinna, amin gia beliganna si kitikna. Engkai maka bage? Sabab ia mereken kerina si lit i bas ia, tapi kalak si deban mere arah kinilitenna.

Arah ilustrasi enda ngajarken kita pe sada prinsip penting i bas kerajan Dibata. Maka nilai sada persembahen la terjeng jumlah ntah beliganna saja, tapi lit i je sura-sura dingan ukur si ersembah si belinen asangken keleng ate man doni enda, e me kekelengen nandangi si mada pemere e. Mari pesikap persembahen simbelinna, bereken kerina si nasa lit, pusuh ukur ras kiniliten man si mada, man Tuhanta.

🔍 Kelengilah Tuhan Dibata, asa ukur ras gegelndu.



[The main body of the page is a large, blank white area with a wavy top edge, intended for writing.]